

վարչական տույժ նշանակելու մասին

«13» մայիս 2021թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետ Կարեն Բաբայանս, քննելով «Սեդա Հովհաննիսյան» Ա/Ձ-ի (ՀՎՀՀ 28012048, անձը հաստ. փաստ. AT0472536 բնակվող Երևան, Օգանովի փ. 2.6/18) նկատմամբ հարուցված մաքսային կանոնների խախտման վերաբերյալ գործը՝

Պ Ա Ր Զ Ե Ց Ի

«Սեդա Հովհաննիսյան» Ա/Ձ անվամբ թիվ 05100033/150421/0010821 տարանցման հայտարարագրով ՀՀ ներմուծված բեռը հայտարարագրվել է թիվ 05100010/190421/0020723 ապրանքների հայտարարագրով «Ներքին սպառման համար բացթողում» մաքսային ընթացակարգով:

ՀՀ ՊԵԿ Արարատյան մաքսատուն-վարչության բացթողնման բաժնի գլխավոր մաքսային տեսուչի կողմից 29.04.2021թ. կազմված մաքսային զննման (տեսազննման) թիվ 204 ակտի համաձայն՝ «Ուրբան Լոջիստիկ սերվիսիս տերմինալ» ՓԲԸ մաքսային հսկողության տարածքում զննման է ենթարկվել «Սեդա Հովհաննիսյան» Ա/Ձ անվամբ թիվ 05100010/190421/0020723 ապրանքների հայտարարագրով հայտարարագրված բեռը, ինչի արդյունքում պարզվել է, որ ապրանքային հայտարարագրի երկրորդ հերթական համարի՝ տղամարդու կոշիկներ արհեստական կաշվից երեսամասով, ռետինե տակացուով 64/զույգ, ծագման երկիրը՝ Չինաստան չէ այլ Թուրքիա է:

ՀՀ ՊԵԿ Արարատյան մաքսատուն-վարչության բացթողնման բաժնի գլխավոր մաքսային տեսուչի կողմից 29.04.2021թ. «Սեդա Հովհաննիսյան» Ա/Ձ-ի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 203-րդ հոդվածի հատկանիշներով, իսկ թիվ 05100010/190421/0020723 ապրանքների հայտարարագրով ձևակերպված բեռի բացթողումը մերժվել է:

Մաքսային կանոնների խախտման վերաբերյալ գործի քննությունը նշանակվել է 13.05.2021թ. ժամը 10:00-ին, քննության տեղի ու ժամանակի մասին սահմանված կարգով ծանուցումն ուղարկվել է «Սեդա Հովհաննիսյան» Ա/Ձ-ի բնակության վայր: «Սեդա Հովհաննիսյան» Ա/Ձ-ը որևէ միջնորդություն չի հարուցել, գործը քննվել է նրա բացակայությամբ:

Գործի քննությամբ հիմնավորվում է, որ «Սեդա Հովհաննիսյան» Ա/Ձ անվամբ թիվ 05100033/150421/0010821 տարանցման հայտարարագրով ներմուծված ապրանքները հայտարարագրվել է թիվ 05100010/190421/0020723 ապրանքների հայտարարագրով, սակայն երկրորդ հերթական համարի՝ տղամարդու կոշիկներ արհեստական կաշվից երեսամասով, ռետինե տակացուով 64/զույգ, ծագման երկիրը՝ Թուրքիա նշելու փոխարեն նշվել է Չինաստան:

Նշված հայտարարագրում ոչ ճշգրիտ տեղեկություններ ներկայացնելը չի առաջացրել մաքսային վճարների պակաս հաշվարկում կամ չհաշվարկում:

ԵԱՏՄ Մաքսային Միության Հանձնաժողովի 20.05.2014թ-ի թիվ 257 որոշմամբ հաստատված՝ ապրանքների մաքսային հայտարարագրի լրացման կարգի 14-րդ կետով սահմանված են ներմուծված ապրանքների հայտարարագրման դեպքում ապրանքների հայտարարագրում հայտարարատուի կողմից լրացման ենթակա վանդակները:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական

գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 203-րդ հոդվածի 1-ին մասի համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը՝ որի արդյունքում չի առաջանում մաքսային վճարների (բացառությամբ մաքսավճարի) պակաս հաշվարկում կամ չհաշվարկում, ինչպես նաև ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ 50 հազար դրամի չափով:

Այսպիսով, «Սեդա Հովհաննիսյան» Ա/Ձ-ը թույլ է տվել ՀՀ մաքսային օրենսգրքի 203-րդ հոդվածի 1-ին մասով նախատեսված մաքսային կանոնների խախտում՝ հայտարարագրման ժամանակ ոչ ճշգրիտ տեղեկություններ նշելով, որի հետևանքով չի առաջացել մաքսային վճարների պակաս հաշվարկում կամ չհաշվարկում:

Ելնելով վերոգրյալից և ղեկավարվելով ՀՀ մաքսային օրենսգրքի 221-րդ, Վարչական իրավախախտումների վերաբերյալ ՀՀ օրենսգրքի 214-րդ և 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 203-րդ հոդվածի 1-րդ մասով նախատեսված մաքսային կանոնների խախտում կատարելու համար «Սեդա Հովհաննիսյան» Ա/Ձ-ին ենթարկել վարչական պատասխանատվության՝ տուգանելով **50.000** ՀՀ դրամի չափով:
2. Որոշման մասին հայտնել «Սեդա Հովհաննիսյան» Ա/Ձ-ին՝ պարզաբանելով, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն նույն օրենսգրքի 222-րդ հոդվածի 2-րդ մասի՝ որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:
3. Որոշմամբ նշանակված տուգանքի վճարման հաշվեհամարն է **900005024055-ը** (**ՀՀ պետական բյուջե, կենտրոնական գանձապետարան, Արարատյան մաքսատուն-վարչություն, ԿՈԴ 27**):

ԱՐԱՐԱՏՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ



ԿԱՐԵՆ ԲԱՐԱՅԱՆ